

Ministère de l'Agriculture, de la Viticulture et du Développement rural,	8
Référence: 234/21	
10 MAI 2021	
A traiter par:	
Copie à:	

N° 4237

Reçue le 07.05.2021

Déclarée recevable

Président de la Chambre des Députés
(s.) Fernand Etgen
Luxembourg, le 07.05.2021

Lëtzebuerg, de 7. Mee 2021

Här Fernand ETGEN
Chamberspräsident
LËTZEBUERG



DEMOKRATESCH
PARTEI

Chambre des Députés
Groupe Parlementaire

Här President,

9, rue du St. Esprit
B.P. 510
L-2015 Luxembourg

Tel. : 22 41 84 1
Fax : 47 10 07

dp@dp.lu
www.dp.lu

Esou ewéi den Artikel 83 vum Chambersreglement et virgesäit, biede mir Iech, dës parlamentaresch Fro un den Här Minister fir Landwirtschaft, Wäibau a ländlech Entwécklung weiderzeleeden:

„Aus ëmmer méi Deeler vu Nordrhein-Westfalen an och aus dem Bundesland Bayern kënnt dëser Deeg d’Noriicht, dass sech d’Huesepescht, och Tularämie genannt, an deene Regiounen ëmmer weider verbreet. Dës héichustiechend Infektiounskrankheet verursaacht bei Huesen, Kanéngercher an anere Nagedéieren, dass si vill ofmoeren, apathesch ginn an torkelen – et kënnt zu enger Aart Blutvergiftung an d’Déiere verenden no kuerzer Zäit.

Am direkte Kontakt mam Déier oder och mat den Exkrementer vun dësen Déieren ass dës Krankheet och op de Mënsch iwverdrobar. D’Symptomer beim Mënsch sinn änlech wéi bei enger Gripp; Kappwéi, héich Féiwer oder och en Houscht, a si musse mat Medikamenter behandelt ginn.

De Noriichten aus dem Ausland no soll et an de leschte Joren ëmmer erëm zu Infektioune bei Mënsche komm sinn. Besonnesch oppasse soll ee bei Hënn oder Kazen, déi d’Krankheet un de Mënsch kënne weiderginn, an och Insekte kéinten se direkt op de Mënsch iwverdroen. 2019 hätten sech esou an Däitschland 72 Leit mat dëser Krankheet infizéiert.

An deem Kontext wollte mir dem Här Minister fir Landwirtschaft, Wäibau a ländlech Entwécklung folgend Froe stellen:

- *Sinn den Ament Fäll vun Tularämie hei zu Lëtzebuerg bekannt?*

- *Wa jo, wou sinn dës Déiere fonnt ginn?*
- *Den Här Minister sot 2020 a senger Äntwert op eng mëndlech Fro et géing een am Saarland nofroen, wéi wäit den Impfstoff fir dës Krankheet developpéiert wier. Konnt den Här Minister hei weider Detailer erausfannen a wat fir eng?*
- *Sinn d'Bauern an d'Jeeër op déi momentan Situatioun opmierksam gemaach ginn?*
- *Bestinn Preventiounsmoosname fir eng Verbreedung hei am Land ze evitéieren? Falls jo, wat fir eng?*
- *Bestinn Risiken fir aner Déieren déi fräi um Feld gehale sinn, an eventuell mat kranken Déieren a Kontakt kéinte kommen?*
- *Bestinn Risiken fir Veterinären oder aner Berufsgruppen sou wéi beispillsweis an der Restauratioun?*
- *Wéi sollen d'Leit virgoen, am Fall wou si ee krankt oder doudegt Déier an der Natur géife fannen? "*

Mat déiwem Respekt,



Claude Lamberty
Deputéierten



Max HAHN
Deputéierten



LE GOUVERNEMENT
DU GRAND-DUCHÉ DE LUXEMBOURG
Ministère de l'Agriculture,
de la Viticulture et du
Développement rural

Dossier suivi par : M. André LOOS
Tél : 247-82530

Réf.: 234/21

Monsieur Marc HANSEN
Ministre aux Relations avec le
Parlement

Service Central de Législation

LUXEMBOURG

Luxembourg, le 19 mai 2021

Objet: Question parlementaire n° 4237 des honorables Députés Claude Lamberty et Max Hahn

Monsieur le Ministre,

J'ai l'honneur de vous faire parvenir, en annexe, ma réponse à la question parlementaire citée sous rubrique.

Veillez agréer, Monsieur le Ministre, l'assurance de ma considération très distinguée.

Le Ministre de l'Agriculture,
de la Viticulture
et du Développement rural,


Romain SCHNEIDER



Réponse du Ministre de l'Agriculture, de la Viticulture et du Développement rural à la question parlementaire n° 4237 des honorables Députés Claude Lamberty et Max Hahn

**Sinn den Ament Fäll vun Tularämie hei zu Lëtzebuerg bekannt?
Wa jo, wou sinn dës Déiere fonnt ginn?**

Nee, 2021 si nach keng Huesen oder wëll Kanéngercher am Laboratoire de médecine vétérinaire de l'Etat (LMVE) fir ze ënnersichen ofgi ginn.

Den Här Minister sot 2020 a senger Äntwert op eng mëndlech Fro, et géing een am Saarland nofroen, wéi wäit den Impfstoff fir dës Krankheet developpéiert wier. Konnt den Här Minister hei weider Detailer erausfannen a wat fir eng?

Een Impfstoff fir Mënschen ass an Amerika wéinst de Niewewierkungen an ze geréngem Impfschutz net méi am Asaz. E russeschen Impfstoff gëtt do och nach agesat.

Sinn d'Bauern an d'Jeeër op déi momentan Situatioun opmierksam gemaach ginn?

De Moment gëtt et keng speziell Situatioun, déi dëst erfuerderlech mécht.

Besti Preventiounsmoosname fir eng Verbreedung hei am Land ze evitéieren? Falls jo, wat fir eng?

Nee, dës Infektiounskrankheet ass an der EU net meldeflichteg, et gëtt aktuell kee „plan de lutte“ zu Lëtzebuerg.

Besti Risike fir aner Déieren, déi fräi um Feld gehale sinn, an eventuell mat kranken Déieren a Kontakt kéinte kommen?

Jo, et handelt sech em eng infektiéis Krankheet, den direkten oder och indirekte Kontakt mat infizéiertem Material soll evitéiert ginn. Am heefegsten betraff si kleng Nager a Lagomorphen (Kanéngercher, Huesen), mee och Wëlldéieren, Hausdéieren, Vigel an Arthropoden (z.B. Zecken) kënnen sech mat dëser Krankheet ustiechen.

Besti Risike fir Veterinären oder aner Berufsgruppen sou wéi beispillsweis an der Restauratioun?

Beruffer, déi direkte Kontakt mat infizéierten Déieren hunn, wéi de Fierschter, Jeeër oder evtl. Veterinäre sollten de Risiko kennen, an esou Déiere just mat Händschen upaken. En lwwerdroungsrisiko op de Mënsch besteet, den Erreeger ass allerdéngs mat enger normaler, gudder Hygiènespraxis gutt ze vernichten. An der Restauratioun besteet kee Risiko, hei duerfe just gesond Déiere verschafft ginn

Wéi sollen d'Leit virgoen, am Fall wou si ee krankt oder doudegt Déier an der Natur fanne géifen?

Bei engem Verdacht bei gesonden Déiere sollt een den zoustännege Fierschter kontaktéieren. Et kann een di doudeg Déieren an de staatleche Veterinärslabo bréngen, fir se ënnersichen ze loossen. Et muss een ëmmer Händschen undoe fir aus onbekannten Ursaache verendegt Déieren unzepaken.
